

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD SREBRENİK**

NACRT:

O D L U K A

O IZVRŠAVANJU BUDŽETA GRADA SREBRENİK ZA 2024. GODINU

OBRADIVAČ : Služba za finansije i inspekcijski nadzor

PREDLAGAČ : Gradonačelnik

RAZMATRA I USVAJA : Gradsko vijeće

Srebrenik, Novembar 2023. godine

Na osnovu člana 7. Zakona o budžetima u Federaciji Bosne i Hercegovine («Službene novine Federacije BiH», broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), a u vezi sa članom 13. Zakona o principima lokalne samouprave u Federaciji Bosne i Hercegovine («Službene novine F BiH», broj: 49/06 i 51/09) i člana 9. stav 1. tačka 3. Privremene statutarne odluka Grada Srebrenik (“Službeni glasnik Grada Srebrenik”, broj: 1/19), Gradsko vijeće Grada Srebrenik, na sjednici održanoj dana, _____.2023.g., d o n o s i:

O D L U K U

O IZVRŠAVANJU BUDŽETA GRADA SREBRENIK ZA 2024. GODINU

I - OPĆE ODREDBE

Član 1. **(Predmet)**

Ovom odlukom uređuje se struktura prihoda i primitaka te rashoda i izdataka Budžeta Grada Srebrenik za 2024. godinu (u daljem tekstu: Budžet), njegovo izvršavanje, prioriteti plaćanja, obim zaduživanja i izdavanja garancija, upravljanje javnim dugom, prava i obaveze korisnika budžetskih sredstava, ovlaštenja Gradonačelnika i budžetskih korisnika kao i druga pitanja u izvršavanju Budžeta za 2024. godinu.

Član 2. **(Pojam i donošenje Budžeta)**

Budžet je akt kojim se planiraju prihodi i primici, te rashodi i izdaci Grada Srebrenik (u daljem tekstu: Grad) za period od jedne fiskalne godine koji donosi Gradsko vijeće Grada Srebrenik (u daljem tekstu: Gradsko vijeće).

Budžet se odnosi na fiskalnu 2024. godinu, koja počinje 01. januara, a završava se 31. decembra 2024. godine.

Član 3. **(Struktura Budžeta)**

Budžet se sastoji od općeg, posebnog dijela, Programa kapitalnih investicija za period 2024.-2026. godina i budžetske dokumentacije.

Opći dio Budžeta čini Račun prihoda i rashoda, Račun kapitalnih primitaka i izdataka i Račun finansiranja.

Posebni dio budžeta sastoji se od plana rashoda i izdataka budžetskih korisnika iskazanih po organizacijskoj, ekonomskoj, funkcionalnoj i fondovskoj klasifikaciji (prema izvorima finansiranja/fondovima).

Program kapitalnih investicija za period 2024.-2026. godine čine kapitalni projekti/ulaganja po godinama i po svim izvorima finansiranja.

Budžetska dokumentacija sastoji se od obrazloženja budžeta.

Deficit iskazan u Budžetu Grada Srebrenik u 2022. godini pokrit će se u skladu sa Odlukom o pokriću akumuliranog deficita iskazanog u Budžetu Grada Srebrenik u 2022. godini („Službeni glasnik Grada Srebrenik“, broj: 2/23).

Član 4.
(Budžetski korisnici)

Budžetski korisnici su utvrđeni Odlukom o uspostavi registra budžetskih korisnika općine Srebrenik („Službeni glasnik općine Srebrenik“, broj: 6/16 i 6/18).

Član 5.
(Uplata prihoda)

Svi javni prihodi i primici Budžeta, uključujući i prihode koje korisnici budžeta ostvaruju obavljanjem osnovne djelatnosti po posebnim propisima, uplaćuju se na depozitni račun Grada i iskazuju po izvorima iz kojih potiču.

Prihodi ostvareni po osnovu Zakona o građevinskom zemljištu («Službene novine FBiH», broj: 67/05) evidentiraju se na posebnom transakcijskom računu koji je u sastavu JRT-Sredstva za uređenje zemljišta i rente i koriste se za tekuće i kapitalne izdatke u oblasti komunalne infrastrukture i izradu projektne dokumentacije, u skladu sa Zakonom o prostornom uređenju i građenju («Službene novine TK», broj: 6/11, 4/13, 15/13 i 03/15) i Odlukama Gradskog vijeća.

Prihodi ostvareni po osnovu Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, broj: 29/03, 22/06, 43/10) evidentiraju se na posebnom transakcijskom računu koji je u sastavu JRT i koriste se u skladu sa Odlukom o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća («Službene novine FBiH», broj: 4/12 i 80/13), sa Planom korištenja namjenskih sredstava kao i u skladu sa Odlukama Gradskog vijeća.

Prihodi ostvareni po osnovu naknade za izgradnju skloništa u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća («Službene novine FBiH», broj: 39/03, 22/06, 43/10) evidentiraju se na posebnom transakcijskom računu koji je u sastavu JRT i koriste se za izgradnju i održavanja javnih skloništa u skladu sa Zakonom i Odlukama Gradskog vijeća.

Prihodi ostvareni po osnovu Zakona o zaštiti od požara i vatrogastva («Službene novine FBiH», broj: 64/09) evidentiraju se na posebnom transakcijskom računu koji je u sastavu JRT i koriste se u skladu sa Pravilnikom kao i Odlukama Gradskog vijeća.

II - IZVRŠAVANJE BUDŽETA

Član 6.
(Fiskalna odgovornost)

Budžetski korisnici odgovorni su za zakonito i namjensko korištenje sredstava i efikasno i uspješno funkcionisanje sistema finansijskog upravljanja i kontrole u okviru bužetom utvrđenih sredstava.

Član 7.
(Sredstva za budžetske korisnike)

Sredstva Budžeta osiguravaju se budžetskim korisnicima koji su u Posebnom dijelu Budžeta određeni za nosioce sredstava na pojedinim pozicijama.

Korisnici koriste budžetska sredstva do visine utvrđene u njegovom Posebnom dijelu samo za namjene koje su određene budžetom i to do visine utvrđene u njegovom posebnom dijelu.

Član 8.
(Naredbodavac Budžeta)

Gradonačelnik je naredbodavac za raspodjelu i utrošak sredstava utvrđenih u Posebnom dijelu Budžeta.

Član 9.
(Neplanirana namjenska sredstva budžetskih korisnika)

Namjenske donacije, grantovi i primici koji nisu planirani u Budžetu a ostvare se /odobre u toku fiskalne godine godine, usmjeravaju se u budžet za fiskalnu godinu na osnovu Odluke Gradonačelnika, na prijedlog Službe za finansije i inspeksijski nadzor, a u skladu sa zahtjevom nadležnog budžetskog korisnika za namjene za koje su i uplaćeni.

Član 10.
(Namjenske donacije, grantovi i primici)

Namjenski prihodi utvrđeni po posebnim propisima, donacije, grantovi i primici koji nisu iskorišteni u prethodnoj godini prenose se u Budžet u narednu godinu.

Član 11.
(Odgovornost za prikupljanje prihoda)

Budžetski korisnici odgovorni su za potpuno i pravovremeno prikupljanje i uplaćivanje na depozitni račun Grada Srebrenik prihoda budžeta, namjenskih sredstva i prihoda iz svoje nadležnosti.

Budžetski korisnici odgovorni su za zakonito, namjensko, efikasno i ekonomično raspolaganje budžetskim sredstvima.

Član 12.
(Operativni planovi)

Služba za finansije i inspeksijski nadzor, na osnovu godišnjih i kvartalnih planova novčanih tokova, iskazanih po mjesecima, dostavlja budžetskim korisnicima instrukciju za izradu prijedloga operativnih planova rashoda i izdataka.

Budžetski korisnici su dužni dostavljati prijedloge godišnjih, kvartalnih i mjesečnih operativnih planova u skladu sa instrukcijom Službe za finansije i inspeksijski nadzor.

Budžetski korisnici mogu stvarati obaveze do visine sredstava odobrenih operativnim budžetom.

Član 13.
(Prioriteti izvršavanja Budžeta)

Budžet Grada će se izvršavati po sljedećim prioritetima:

1. Otplate kamata i duga,
2. Plaće i naknade zaposlenih,
3. Plaćanje obaveza po sudskim presudama i nagodbama i vasudskim nagodbama,
4. Transferi u oblasti socijalne i boračko invalidske zaštite,
5. Materijalni i drugi troškovi neophodni za rad gradske uprave,
6. Transferi za poljoprivredu,
7. Tekući transferi i kapitalni izdaci i
8. Ostalo.

Izuzetno, Gradonačelnik će izvršavati Budžet promjenom prioriteta utvrđenih u stavu 1. ovog člana i visinu doznaka sredstava utvrđenih u Budžetu Grada u slučaju promjene tekuće likvidnosti ili drugih okolnosti na koje Gradonačelnik ne može uticati.

Član 14. (Javne nabavke)

Postupak nabavke roba, usluga i radova budžetski korisnici će vršiti u skladu sa odredbama Zakona o javnim nabavkama BiH («Službeni glasnik BiH», broj: 39/14 i 59/22).

Član 15. (Tekuća rezerva)

Hitni i nepredviđeni izdaci koji se pojave u toku budžetske godine podmiruju se iz sredstava tekuće rezerve utvrđenih u Budžetu.

Sredstava tekuće rezerve se koriste u skladu sa Odlukom o utvrđivanju kriterija za korištenje sredstava tekuće rezerve koju donosi Gradonačelnik.

Služba za finansije i inspeksijski nadzor će dostaviti prijedlog Gradonačelniku na osnovu pribavljenog mišljenja nadležne Službe o opravdanosti predmetnog zahtjeva.

Budžetsko izdvajanje za tekuću rezervu ne smije preći 3 % prihoda, isključujući namjenske prihode, vlastite prihode i primitke.

Služba za finansije i inspeksijski nadzor obavezna je tromjesečno izvještavati Gradonačelnika o korištenju sredstava tekuće rezerve.

Gradonačelnik izvještaj o utrošku tekuće rezerve dostavlja Gradskom vijeću kao prilog izvještaju o izvršenju budžeta Grada Srebrenik u skladu sa planom i programom rada Gradskog vijeća.

Član 16. (Preraspodjela rashoda i izdataka)

Gradonačelnik može na zahtjev budžetskog korisnika, uz pribavljeno mišljenje Službe za finansije i inspeksijski nadzor, donijeti Odluku o preraspodjeli rashoda i izdataka u okviru ukupnog iznosa odobrenog za budžetskog korisnika, a najviše do 10 % ukupno odobrenih rashoda i izdataka za budžetskog korisnika.

U okviru odobrenog Budžeta, preraspodjela sredstava izuzetno je dozvoljena između budžetskih korisnika o čemu odlučuje Gradonačelnik, na prijedlog Službe za finansije i inspeksijski nadzor, a po zahtjevu budžetskog korisnika.

Uz zahtjev za preraspodjelu sredstava budžetski korisnik mora priložiti odgovarajuću dokumentaciju na osnovu koje se Službi za finansije i inspeksijski nadzor daju na uvid razlozi za dodatnim sredstvima na budžetskoj stavci koja se povećava do kraja godine, odnosno razlozi za smanjenje na budžetskoj stavci koja se umanjuje.

Budžetska sredstva ne mogu se preraspodjeljivati između Računa prihoda i rashoda, Računa kapitalnih izdataka i primitaka i Računa finansiranja.

U izuzetnom slučaju, kada preraspodjelu nije moguće izvršiti unutar računa iz stava 5. ovog člana, preraspodjela sredstava se može izvršiti između Računa prihoda i rashoda i Računa kapitalnih izdataka na poziciji 820000.

Član 17.
(Jedinstveni račun trezora)

Obavljanje platnih transakcija vrši se preko transakcijskih računa koji su sastavni dio Jedinstvenog računa trezora (u daljem tekstu: „JRT“).

JRT može imati više podračuna.

Sa JRT se ne može isplatiti ni jedan izdatak ukoliko nije odobren budžetom.

Član 18.
(Pozajmica sredstava)

U slučaju nedostatka novčanih sredstava, Gradonačelnik može na prijedlog Službe za finansije i inspekcijski nadzor donijeti odluku o pozajmici sredstava sa svih računa posebnih namjena Grada Srebrenik u iznosu nedostajućeg dijela sredstava.

Nakon realizacije odluke iz stava 1. ovog člana, Služba za finansije i inspekcijski nadzor izvršit će povrat pozajmljenih novčanih sredstava iz narednih tekućih priliva sa transakcijskog računa u korist računa sa kojih su novčana sredstva pozajmljena.

Član 19.
(Povrati)

Pogrešno ili više uplaćeni prihodi u Budžet tekuće godine, vraćaju se uplatiocima na teret tih prihoda tekuće godine, a na osnovu rješenja ili zaključaka po podnesenom zahtjevu uplatioca.

Povrati iz prethodnih godina realizuju se na osnovu rješenja o povratu sa transakcijskih računa korisnika prihoda.

Za iznos pogrešno ili više isplaćenih sredstava iz Budžeta, budžetski korisnik je dužan odmah zahtijevati povrat budžetskih sredstava na JRT.

Ukoliko se naknadno utvrdi da je isplata iz Budžeta izvršena nezakonito i/ili nenamjenski, budžetski korisnik je dužan odmah zahtijevati povrat budžetskih sredstava na JRT.

III - REALIZACIJA SREDSTAVA BUDŽETA

Član 20.
(Sredstva za rad Gradskog vijeća)

Sredstva utvrđena u Budžetu za isplatu naknada za rad u Gradskom vijeću i u radnim tijelima Gradskog vijeća isplaćuju se na osnovu Odluke o naknadama vijećnika Općinskog vijeća Srebrenik, njegovih organa i tijela, Kolegija Općinskog vijeća, stalnih i povremenih komisija koje bira ili imenuje Općinsko vijeće («Službeni glasnik općine Srebrenik», broj: 11/06, 2/14, 5/14, 6/15, 08/15 i 6/22), koja se primjenjuje na osnovu odredbi Privremene statutarne odluke Grada Srebrenik («Službeni glasnik Grada Srebrenik», broj: 1/19).

Sredstva utvrđena za isplatu naknada izbornoj komisiji i ostali troškovi realizuju se na osnovu Izbornog zakona BiH („Službeni glasnik BiH“, broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22 i 67/22) i propisa donesenim na osnovu istog.

Član 21.

(Plaće i naknade troškova zaposlenih)

Sredstva utvrđena u Budžetu za isplatu plaća i naknada uposlenika, izabranih i imenovanih dužnosnika u organima Grada Srebrenik isplaćuju se na osnovu propisa donesenih od strane Općinskog vijeća općine Srebrenik kojim su propisane isplate plaća i naknada uposlenika i izabranih dužnosnika u organima općine Srebrenik i Rješenja koje donosi Gradonačelnik i Gradski pravobranilac, koji se primjenjuju na osnovu odredbi Privremene statutarne odluke Grada Srebrenik ("Službeni glasnik Grada Srebrenik", broj: 1/19).

Osnovica za obračun plaće uposlenika gradskih organa uprave Srebrenik primjenjuje se na koeficijente utvrđene Odlukom o plaćama i naknadama uposlenika i izabranih dužnosnika u organima općine Srebrenik («Službeni glasnik općine Srebrenik», broj: 1/15, 9/21, 4/22 i 2/23), koja se primjenjuje na osnovu odredbi Privremene statutarne odluke Grada Srebrenik ("Službeni glasnik Grada Srebrenik", broj: 1/19), a utvrđena je u skladu sa odredbama člana 5. i 59. Zakona o plaćama i naknadama u organima vlasti Federacije Bosne i Hercegovine ("Službene novine Federacije BiH", broj: 45/10, 111/12, 20/17 i 22/19 - odluka US) i Sporazuma broj: _____ godine.

Sredstva sa pozicije „Naknade troškova zaposlenih“ osiguravaju se budžetskim korisnicima na osnovu Zakona o plaćama i naknadama u organima vlasti Federacije Bosne i Hercegovine («Službene novine FBiH», broj: 45/10, 111/12 i 20/17), Uredbe o naknadama koje nemaju karakter plaće («Službene novine FBiH», broj: 63/10, 22/11, 66/11, 51/12 i) i Odluke o plaćama i naknadama uposlenika i izabranih dužnosnika u organima općine Srebrenik («Službeni glasnik općine Srebrenik», broj: 1/15 i 9/21), koja se primjenjuje na osnovu odredbi Privremene statutarne odluke Grada Srebrenik ("Sl. glasnik Grada Srebrenik", broj:1/19).

Član 22.

(Raspoređivanje sredstava-akti/dokumenti Vijeća)

Sredstva utvrđena u Budžetu Grada Srebrenik na pozicijama:

1. Naknade izbornoj komisiji i ostali troškovi,
2. Ostali transf. pojedincima - Obilježavanje Dana Grada,
3. Izdaci za volonterski rad - za volontere u JU OŠ i MSŠ
4. Tekući transf. nepr. org.-za volontere u JU, JP, DD, DOO,
5. Podsticaj poljoprivrednoj proizvodnji,
6. JP "Veterinarska stanica" Srebrenik- po Programu preventivne zaštite životinja
7. Rješavanje stambenih pitanja boračkih populacija,
8. Isplate stipendija,
9. Tekući transf. neprofitnim organiz. - Boračkim udruženjima,
10. Izdaci za naknade po sudskim i vansudskim nagodbama,
11. Tekući transferi neprof. org. - Sportski savez,
12. Program podrške za ostale sportske klubove, uspješne sportiste, organizaciju sportskih projekata i manifestacija

raspoređuju se i koriste se na osnovu odluka, programa, pravilnika, zaključaka i planova koje donosi Gradsko vijeće.

Sredstva utvrđena za finansiranje rada parlamentarnih klubova realizuju se u skladu sa Odlukom o raspodjeli novčanih sredstava Budžeta za finansiranje klubova i vijećnika političkih stranaka zastupljenih u Općinskom vijeću Općine Srebrenik («Službeni glasnik općine

Srebrenik», broj: 5/10), koja se primjenjuje na osnovu odredbi Privremene statutarne odluke Grada Srebrenik («Službeni glasnik Grada Srebrenik», broj: 1/19).

Član 23.

(Raspoređivanje sredstava-transferi i subvencije)

Sredstva utvrđena u Budžetu Grada Srebrenik na pozicijama:

1. Tekući transferi neprof. org.- Mjesnim zajednicama,
2. Ostali tranferi pojedincima - za registraciju novih obrta,
3. Tekući transfer udruženjima građana kojima se podstiču poslovne aktivnosti,
4. Tekući transfer udruž. građana - Za lovačka udruženja,
5. Grant sredstva za aktivnosti udruženja obrtnika, privrednika i poljoprivrednika (pčelari, šljivari),
6. Učešće Grada u implementaciji strateških projekata (Služba za poduzetništvo, lokalni razvoj i investicije),
7. Ostali transferi pojedincima - Pomoći po zahtjevima,
8. Novčana pomoć porodicama novorođenčadi sa područja Grada,
9. Izdaci za rad mobilne stanice za praćenje kvaliteta zraka,
10. Subvencija JP „9. Septembar“ DD Srebrenik - Za odvoz smeća na deponiju, van područja Grada Srebrenik,
11. Povrat sredstava za uređenje GGZ, rentu i drugo,
12. Tran. za kulturu - «OGUS“, Dani povelje i ostale kulturne manifestacije»,
13. Transfer za Centar socijalni rad - JU Centar za socijalni rad,
14. Transfer za Centar socijalni rad - Jednokratne soc. novčane pomoći,
15. Transfer za Centar socijalni rad-Održavanje kuće za djecu sa posebnim potrebama,
16. Transf. za Centar za soc. rad-JU Centar za socijalni rad - Učešće u sufinan. zapošlj. stručnih osoba sa Federalnim ZZ
17. Izdaci za RVI, članove porodica PB i DP OS R BiH,
18. Izdaci za RVI, članove porodica PB i DP OS R BiH (sred. kantona),
19. Pomoć za raseljena lica i pomoć za održivi povratak,
20. Ostali transf. pojed. - Subv. koris. soc. stanovanja po projektu CEB II,
21. Ostali transf. pojed.-Subv. koris. soc. stanovanja po projektu CEB II (sr. Kan),
22. Ostali transf. pojed. - Izdaci po readmisiji,
23. Izdaci za prošireni oblik zdravstvenog osiguranja,
24. Tekući tran. Pojedincima- Pomoć u liječenju teških bolesti
25. Tekući transf. neprofitnim organiz. - Boračkim udruženjima (ORVI, OPŠ i PB, UDB, JOB Unija veterana, UBNOR-a, UD i VDR HVO, Udruženje „Policajci Srebrenika 91-95“, UG“OB i DOOR 92-95“, UB „Organizatora i pokretača otpora“, Udruženje Patriotska liga Srebrenik, Org. Porodica šehida i poginulih boraca-dobrovoljaca 92-95),
26. Tekući tran. Nepr. Org.- Akademija nauke i umjetnosti BiH
27. Tekući tran. nepr. org.-JU "Centar za kulturu i informisanje" - Za tranšu i dopisništvo,
28. Tekući tran. nepr. org.-JU "Centar za kulturu i informisanje" - "Uvedimo svako dijete u biblioteku",
29. JU "Centar za kulturu i infor."-Izgradnja spomen sobe učesnicima rata 92-95-Izrada monografije Srebrenik 92-95-Izrada projektnog zadatka prirodno i kulturno-historijskog nasljeđa zapadnog dijela Majevice",

30. JU "Centar za kulturu i informisanje" - Obilježavanje Dana Grada,
31. Tekući transferi neprof. org. - Sportski savez,
32. Program podrške za ostale sportske klubove, uspješne sportiste, organizaciju sportskih projekata i manifestacija
33. Sportski klubovi („OFK, OK, OKK „Gradina“),
34. Tekući tran. nep. org. - JU Sportsko-rekreativni centar - Za zakup prostora za Sportske klubove,
35. Tekući tran. nep. org. - Održavanje gradskog stadiona i ostalih sportskih terena,
36. Tekući tran. nep. org. - JU Sportsko-rekreativni centar,
37. Tekući transf. nepr. org. - JU Sportsko-rekreativni centar-Za izmirenje poreza i doprin. po osnovu plaća i naknada,
38. Tekući tran. nep. org. - Udruženje penzionera,
39. Tekući trans. nepr. org.-JU za odgoj i obraz. djece predš. uzrasta Srebrenik,
40. Tekući trans. nepr. org.-JU za odgoj i obraz. djece predš. uzrasta Srebrenik-Za izmirenje poreza i doprin. po osnovu plaća i naknada,
41. Tekući trans. nepr. org.-JU za odgoj i obraz. djece predš. uzrasta Srebrenik-Za predškolski odgoj u područnim školama po MP,
42. Tekući tran. nep. org. - Crveni križ Grada Srebrenik,
43. Tekući trans. nepr.org.- Pomoć povratku (Memorijalni centar, MFS Emmaus idr) Tekući transferi vjerskim zajednicama - Vjerske zajednice,
44. Tekući tran. udruž. građana - Razna udruženja,
45. Tekući transferi udr. građana - Za projekte omladinskih udruženja,
46. Tekući transferi udr. građana - Za Vijeće mladih,
47. Rješavanje stambenih pitanja boračkih populacija (sredstva od kantona),
48. Učešće Grada u implementaciji strateških projekata (Služba za BIZ i društvene djelatnosti),
49. Kapit. tran. nepr. org. -MZ- za izgradnju, opravku, san. i održ. Spomen obilježja u MZ 1992-1995, održavanje, opravka i sanacija mezarja/grobalja Š/PB i sanacija Spomen kosturnice 1941-1945,
50. JU "Centar za kulturu i infor." - Za provođenje mjera energ. efikasnosti na objektu JU Centar za kulturu i informisanje Srebrenik,
51. Kapit. tran. nepr. org.-JU "Centar za kulturu i informisanje"-Za renoviranje kino sale i sanaciju krova Doma kulture-izmirenje obaveza po osnovu kreditnog zaduženja,
52. Kapitalni trans. nepr.org. - JU Sportsko-rekreativni centar - Za sanaciju poda i izvođ. građevinskih radova -izmirenje obaveza po osnovu kreditnog zaduženja,
53. Kapitalni trans. nepr.org. - Medžlis IZ Srebrenik - za infrastrukturne radove,
54. Kapit tran. neprof. org. - JU Centar za socijalni rad - Rješavanje stambenog pitanja romske populacije u Špionici,
55. Kapit. Tran. za zdravstvo- Nabavka računarske opreme Dom Zdravlja
56. Kapit. Tran. za zdravstvo-JZU Dom zdravlja Srebrenik-Za uređenje zgrade Službe hitne med. pomoći i uređ. kruga DZ
57. Tekući transf. neprof. org. - Vatrogasno društvo Srebrenik,
58. Ostali transferi pojedincima - Za obilježavanje dana CZ,
59. Transfer za posebne namjene - prirodne i druge nesr. - Za saniranje dijela šteta nastalih prir. i drugom nesrećom,

- 60. Transfer za posebne namjene - prir. i druge nesreće - Za troškove preduzimanja prev. mjera zaštite i spaš.,
- 61. Transfer za posebne namjene - prir. i druge nesreće - Za troškove preduzimanja hitnih mjera zaštite i spaš.,
- 62. Kapit. Tran. nepr. org.-JU za odgoj i obraz. djece predš uzrasta Srebrenik-dogradnja
- 63. Kapit. Tran. nepr. org.-JU "Centar za kulturu i informisanje" za rekonstrukciju hola i sanitarnih čvorova

raspoređuju se i koriste se na osnovu programa utroška sredstava, u skladu sa Smjernicama o minimalnim standardima dodjele budžetskih sredstava putem transfera i subvencija u Federaciji BiH («Službene novine FBiH», broj: 15/18), koje pripremaju nadležne Službe, a donosi/usvaja Gradonačelnik, uz pribavljeno mišljenje Službe za finansije i inspekcijски nadzor.

Programom utroška sredstava propisuju se opći i posebni kriteriji dodjele sredstava kao i obaveza zaključivanja ugovora sa krajnim korisnicima.

Pri određivanju kriterija dodjele sredstava sa pozicija tekućih i kapitalnih transfera i subvencija, budžetski korisnici su dužni voditi računa o odredbama Zakona o javnim nabavkama BiH.

Član 24.

(Izveštaji o namjenskom utrošku sredstava)

Korisnici budžetskih sredstava dužni su dodijeljena sredstva koristiti namjenski.

Korisnici budžetskih sredstava dužni su dostaviti budžetskom korisniku-nadležnoj gradskoj službi izvještaj o namjenskom utrošku sredstava.

Korisnici budžetskih sredstava kojima se isplaćuju sredstva putem tranši su dužni do kraja februara tekuće godine pripremiti i dostaviti nadležnoj gradskoj službi godišnji izvještaj o utrošku sredstava dodijeljenih iz budžeta Grada Srebrenik za prethodnu godinu sa dokazima odnosno kompletnom dokumentacijom kojom se dokazuje namjenski utrošak sredstava.

Na osnovu zaprimljenih izvještaja iz stava 3. ovog člana, nadležna gradska služba je dužna izvršiti kontrolu namjenskog utroška sredstava i o istom sačiniti informaciju do kraja marta tekuće godine te istu dostaviti Gradonačelniku i Službi za finansije i inspekcijски nadzor.

Informacija iz stava 4. ovog člana, pored ostalog, treba da sadrži i preporuke u skladu sa odredbama člana 50. i 57. Zakona o budžetima u Federaciji BiH.

Ukoliko se sredstva iz budžeta isplaćuju na osnovu zaključaka o isplati, rješenja i slično, nadležna gradska služba je dužna voditi računa o namjenskom utrošku dodijeljenih sredstava.

Član 25.

(Program kapitalnih investicija)

Sredstva utvrđena u Budžetu Grada Srebrenik kao «Kapitalni izdaci» i ulaganja u komunalnu infrastrukturu koriste se na osnovu Programa kapitalnih investicija za 2024.-2026. godinu, Programa izgradnje infrastrukture na području Grada Srebrenik za 2024. godinu i Programa uređenja gradskog građevinskog zemljišta na području Grada Srebrenik za 2024. godinu.

IV- FINANSIJSKO IZVJEŠTAVANJE

Član 26.

(Izvještaji o izvršenju budžeta)

Služba za finansije i inspekcijski nadzor dužna je dostaviti periodične izvještaje za periode: od 01. januara do 31. marta, 01. januara do 30. juna i od 01. januara do 30. septembra Gradskom vijeću i Ministarstvu finansija TK u roku od 20 dana po isteku obračunskog perioda, a za period od 01. januara do 31. decembra do 5. marta tekuće godine.

Služba za finansije i inspekcijski nadzor dužna je pravovremeno dostaviti Gradonačelniku izvještaj o izvršenju budžeta za prethodnu godinu koji Gradonačelnik podnosi na usvajanje Gradskom vijeću u roku šest mjeseci od završetka fiskalne godine.

V- ZADUŽIVANJE I UPRAVLJANJE DUGOM

Član 27.

(Stvaranje obaveza)

Grad može stvoriti obaveze po osnovu zaduživanja ili izdavanja garancija. O visini zaduživanja i garancijama odlučuje Gradsko vijeće. Otplata duga Grada predstavlja obavezu Grada.

Član 28.

(Svrhe zaduženja)

Grad Srebrenik se može zadužiti u sljedeće svrhe.

1. Za finansiranje kapitalnih investicija i posebnih programa odobrenih od Gradskog vijeća,
2. Za plaćanje, na osnovu izdatih garancija Grada Srebrenik, u potpunosti ili djelimično u slučajevima kada zajmoprimac ne isplati svoje obaveze,
3. Za finansiranje budžetskog deficita.

Član 29.

(Svrhe izdavanja garancija)

Grad Srebrenik može izdati garanciju samo za finansiranje kapitalnih investicija, i samo pod uslovom da je pravna osoba koja je zajmoprimac sredstava pravna osoba čiji je većinski vlasnik Grad Srebrenik ili je pod nadzorom Grada Srebrenik.

Po izdavanju garancije iz stava 1. ovog člana, Grad Srebrenik i pravna osoba čiji je većinski vlasnik Grad Srebrenik ili je pod nadzorom Grada Srebrenik su dužni zaključiti Sporazum kojim će se definisati međusobna prava i obaveze u pogledu namjenskog korištenja garantnih sredstava za finansiranje kapitalne investicije.

VI – RAČUNOVODSTVO, KONTROLA I REVIZIJA BUDŽETA

Član 30.

(Računovodstvena načela)

Budžetsko računovodstvo se zasniva na računovodstvenim načelima: tačnosti, istinitosti, sveobuhvatnosti, pravovremenosti i pojedinačnom iskazivanju poslovnih događaja, te na međunarodnim računovodstvenim standardima za javni sektor.

Budžetsko računovodstvo vodi se po načelu dvojnog knjigovodstva i na računima kontnog plana budžeta.

Član 31.

(Načelo modificiranog nastanka događaja)

Priznavanje prihoda i primitaka, te rashoda i izdataka putem sistema Glavne knjige provodi se po načelu modificiranog nastanka događaja.

Prihodi i primici priznaju se u onom periodu kada su mjerljivi i raspoloživi, to jest kada su uplaćeni na račun budžeta.

Rashodi i izdaci priznaju se na osnovu nastanka poslovnog događaja (obaveze) i u izvještajnom periodu na koji se odnose nezavisno od plaćanja.

Član 32.

(Finansijsko upravljanje i kontrola-FUK)

Budžetski korisnici odgovorni su za uspostavljanje, razvoj i implementaciju odgovarajućeg, efikasnog, efektivnog i ekonomičnog finansijskog upravljanja i kontrole (FUK-a) u Gradu Srebrenik. FUK je sveobuhvatan sistem internih kontrola koji uspostavljaju i za koju su odgovorni rukovodioci korisnika javnih sredstava, a kojim se upravljajući rizicima osigurava razumno uvjeravanje da će se u ostvarivanju ciljeva budžetska i druga sredstva koristiti pravilno, ekonomično, efikasno i efektivno.

Praćenje i procjena sistema FUK-a obavlja se putem redovnih aktivnosti upravljanja i nadgledanja, samoprocjene i interne revizije.

Član 33.

(Interna revizija)

Interna revizija je nezavisno objektivno uvjeravanje i konsultantska aktivnost kreirana sa ciljem da se doda vrijednost i unaprijedi poslovanje budžetskih korisnika Grada Srebrenik. Gradonačelnik osigurava da je interna revizija u svom radu nezavisna od aktivnosti koje revidira.

Služba za internu reviziju u svojim izvještajima daje preporuke za poboljšanje sistema FUK-a.

Rukovodioci budžetskih korisnika su dužni da na osnovu preporuka interne revizije definišu odgovarajuće akcione planove za otklanjanje nedostataka te da vrše praćenje implementacije tih planova.

VII - JAVNOST I TRANSPARENTNOST BUDŽETA

Član 34.

(Objavljivanje)

U cilju obavještanja javnosti o upravljanju javnim prihodima - Budžet, Dokument okvirnog budžeta, Odluka o izvršavanju budžeta i ostali dokumenti vezani za izvršavanje budžeta, objavljivat će se u Službenom glasniku Grada Srebrenik, u skladu sa članom 100. Zakona o budžetima u Federaciji Bosne i Hercegovine («Službene novine Federacije BiH», broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22).

Svi dokumenti iz stava 1. ovog člana objavljivat će se i na internet stranici Grada Srebrenik.

VIII - KAZNENE ODREDBE

Član 35.

(Kaznene odredbe)

U slučaju nepoštivanja ove Odluke, primjenjivat će se odredbe člana 102. i 103. Zakona o budžetima u Federaciji Bosne i Hercegovine («Službene novine Federacije BiH», broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22).

IX - PRELAZNE I ZAVRŠNE ODREDBE**Član 36.****(Primjena drugih propisa)**

Na sva pitanja koja nisu regulisana ovom Odlukom, a tiču se načina izrade, donošenja, izvršavanja Budžeta, zaduživanja, duga, računovodstva, nadzora i revizije Budžeta, primjenjivat će se odredbe važećih zakona i podzakonskih akata.

Član 37.**(Stupanje na snagu)**

Odluka o izvršavanju budžeta Grada Srebrenik za 2024. godinu stupa na snagu danom objavljivanja u «Službenom glasniku Grada Srebrenik», a primjenjivat će se za fiskalnu 2024. godinu.

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD SREBRENİK
Gradsko vijeće
Broj: 01-____/23
Srebrenik, _____.2023. godine**

**PREDSJEDAVAJUĆI
GRADSKOG VIJEĆA**

Mato Matijević

OBRAZLOŽENJE

I - PRAVNI OSNOV

Pravni osnov za donošenje Odluke o izvršavanju budžeta Grada Srebrenik za 2022. godinu sadržan je u odredbama člana 7. Zakona o budžetima u Federaciji Bosne i Hercegovine («Službene novine Federacije BiH», broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), a u vezi sa članom 13. Zakona o principima lokalne samouprave u Federaciji Bosne i Hercegovine («Službene novine F BiH», broj: 49/06 i 51/09) i odredbama člana 9. i 11. Privremene statutarne odluke Grada Srebrenik (“Službeni glasnik Grada Srebrenik”, broj: 1/19).

II- RAZLOZI DONOŠENJA

Razlog za donošenje ove Odluke zakonska obaveza propisana članom 7. Zakona o budžetima u Federaciji Bosne i Hercegovine («Službene novine Federacije BiH», broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22). Naime, navedenim članom je propisano da se uz Odluku o budžetu Grada donosi i Odluka o izvršavanju budžeta Grada kojom se uređuje struktura prihoda i primitaka te rashoda i izdataka budžeta i njegovo izvršavanje, prioriteti plaćanja, obim, zaduživanja i garancije, upravljanje javnim dugom, te finansijskom i nefinansijskom imovinom, prava i obaveze budžetskih sredstava, ovlaštenja Gradonačelnika i nadležne službe za finansije u izvršavanju budžeta za tekuću godinu.

Dakle, imajući u vidu naprijed navedno, ovom Odlukom se uređuje struktura prihoda i primitaka te rashoda i izdataka Budžeta Grada Srebrenik za 2024. godinu, njegovo izvršavanje, prioriteti plaćanja, obim, zaduživanja i garancije, upravljanje javnim dugom, prava i obaveze korisnika budžetskih sredstava, ovlaštenja Gradonačelnika i budžetskih korisnika kao i druga pitanja u izvršavanju Budžeta za 2024. godinu.

Deficit iskazan u Budžetu Grada Srebrenik u 2022. godini pokrit će se u skladu sa Odlukom o pokriću akumuliranog deficita iskazanog u Budžetu Grada Srebrenik u 2022. godini („Službeni glasnik Grada Srebrenik“, broj: 2/23).

Planirano je pokriće dijela akumuliranog deficita u Budžetu Grada Srebrenik u 2024. godini u iznosu od 500.000,00 KM.

Shodno svemu navedenom, Služba za finansije i inspekcijski nadzor u saradnji sa Gradonačelnikom, pripremila je ovu Odluku i dostavila Gradskom vijeću Grada Srebrenik na razmatranje i usvajanje.

OBRAĐIVAČ